

玄德章第五十六

知者不言識默言者不知口頭塞其兌內閉其門外挫其銳無解

其紛總持和其光慧生同其塵垢離是謂玄同貫一

妙法元君注曰道可言傳亦不可以言傳其可以言傳者迹也散殊也不可以言傳者體也一本也是惟知者識得道之來能無始無名而從無始而始無名而名總可以默守之故常不輕言夫道若拈撫一二擁座拂塵鑿鑿大言謬自以為知道而不知者固已多矣此兌字指口言與上不同而門指喉舌言亦與上異言道在無言是必塞止其口而閉其出納之門挫其輕躁之銳氣解其纏結之紛紜而有光不耀用是

道藏輯要

道德經解

卷

心集一

和之雖塵弗避用是同之若是者可謂同矣而塞與閉挫與解和與同皆遷於自然而無心以出之所謂玄也故曰玄同

故不可得而親釋迦參禪未已亦不可得而疎太上學道未濃不可得而利伏義

究易未了亦不可得而害孔子夢奠方終不可得而貴道者心體亦不可得而賤

心者道用故為天下貴一切皆盡真當獨存

又曰事之操於人者人得主之而我不為政孟子云趙孟之所貴趙孟能賤之是也若知道而默抱道而處則人不得親之夫親極必疎既不得親則亦安從而疎之耶推之於利害貴賤均無弗然此道之所以不落聲色不著形象渾渾噩噩為今古之重寶而見貴於天下也乎